



JUDICIAL SYSTEM MONITORING PROGRAMME

PROGRAMA MONITORIZASAUN BA SISTEMA JUDISIÁRIU

Komunikadu Imprensa

22 Dezembru 2023

Parlamentu Nasionál

JSMP husu PN atu Intensifika Fiskalizaun ba Ezekusaun OJE 2024 ba Instituisaun Estadu sira hodi bele ezekuta ho Responsabilidade no Transparánsia

Parlamentu Nasionál (PN), iha Kuarta-feira, 29 Dezembru 2023, liuhosi reuniuan plenária, aprova ona iha espezialidade no iha finál globál Proposta Lei Nú.4/VI(1ª) kona-ba Orsamentu Jerál Estadu (OJE) ba tinan 2024 ho votu a favor 41, kontra 23 no laiha abstensaun. Montante total Proposta OJE 2024 ne'ebé PN aprova hamutuk billiaun US\$ 1,95.

Hosi total orsamentu billiaun US\$1,95 Governu apresenta previzaun orsamentu ba entidade setór públiku Estadu nian ho nia orsamentu mak hanesan; aloka ba Administrasaun Sentrá bilhaun \$1,83, ba Rejiaun Administrativa Espesial Oekusi (RAEOA) millaun US\$60 no Fundu Seguransa Sosiál millaun \$347,6.

"JSMP apresia ho esforsu serbisu deputadu PN no Governu hodi aselera debate no aprovasaun ba OJE 2024 ne'e ho karáter urjénsia, maski nune'e, JSMP konsidera durante diskusaun orsamentu ne'e deputadu sira ladun produtivu tanba barak liu insulta malu de'it hodi la foku ba diskute ho kle'an programa prioridade sira ne'ebé Governu tau importánsia liuliu ba setór produtivu no kapitál sosiál nu'udar área prinsipál atu bele hadi'a moris povu no nasaun nian iha futuru". Nune'e, JSMP rekomenda ba Deputadu sira atu intensifika fiskalizaun ba iha ezekeusaun OJE 2024 nian, liuliu iha área prioridade sira hodi bele asegura ezekeusaun orsamentu tuir planu prioridade sira, ho responsabilidade no transparánsia atu nune'e bele hasa'e kresimentu ekonómiku no dezenvolvimentu iha ita nia nasaun atu bele korei povu hosi ki'ak no mukit", dehan Diretora Ezekutiva JSMP, Sra. Ana Paula Marçal.

JSMP fó hanoin mós ba XI Governu Konstitusionál atu tau prioridade orsamentu mós ba setór justisa liuliu iha área formasaun rekursu umanu, infraestrutura ka failidade sira no selu-seluktan ne'ebé prioritáriu hodi bele dezenvolve setór refere di'ak liután hodi bele garantia serbisu justisa ida ne'ebé efetivu no eficiente ba ema hotu iha Timor-Leste.

Orsamentu Jerál Estadu ba tinan 2024, ho tema sentrá **"HARII PONTE IDA BA LORON ABAN"** no sei foka liu ba investe iha setór produtivu no kapitál sosiál bazeia ba objetivu estratéjiku ne'ebé define ona iha Programa Governu Konstitusionál IX no lansa baze sira hodi konkretiza objetivu sentrá sira ne'ebé trasa ona ba tinan lima oin mai hodi define hanesan prioridade

Rua Beco Lakateu, Aldeia Manufuik,
Suku Colmera, Administrativu Vera Cruz
Dili Timor Leste

PoBox: 275

Telefone: 3323883 | 77040735

www.jsmp.tl

ana@jsmp.tl

Facebook: www.facebook.com/timorleste.jsmp

Twitter: @JSMPtl



JUDICIAL SYSTEM MONITORING PROGRAMME

PROGRAMA MONITORIZASAUN BA SISTEMA JUDISIÁRIU

investimentu públiku iha infraestrutura fundamentál no kreximentu ekonómiku nu'udár motór sentrál no fundamentál ba dezenvolvimentu nasionál.

Atu hetan informasaun liutan favór kontaktu:

Ana Paula Marçal

Diretora Ezekutiva JSMP

Diresaun e-mail: ana@jsmp.tl

Website: <http://jsmp.tl>

www.jsmp.tl

Rua Beco Lakateu, Aldeia Manufuik,
SukuColmera, Administrativu Vera Cruz
Dili Timor Leste
PoBox: 275

Telefone: 3323883 | 77040735

www.jsmp.tl

ana@jsmp.tl

Facebook: www.facebook.com/timorleste.jsmp

Twitter: @JSMPtl